



Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ VII. Ex alia intrinseca ratione prætensum illud Dagobertinum informatur.

urn:nbn:de:hbz:466:1-14268

Treuiris esse non potuit, vt nonnulli Bruxellensi aula ex Aimoinio suadere voluerunt: vt enim valuae illae Treuiris Parisios transferrentur, Oceano Dagobertus vt non debebat; At vero Pictaui Oceano vicini sunt.

Quod autem in Diplomate dictæ Cellæ S. Hilarij, aliæ adjunctæ legantur Treuiris Viciniores Cellæ & Monasteria, non obstat; nam Dagobertus profiteretur ibi, se confirmare omnia bona sacra & prophana ad Ecclesiam S. Petri spectantia, vbi cunque demum sita in regno suo, sive circa Ligerim, sive circa Rhenum. Quanquam illud additamentum de reliquis Cellis & Monasterijs merito suspectum est, cum in prætenso Dagobertino Diploma, quod exhibet & profert Rosierius in *Stemmatis Lotharing num. i.* omnino non reperiatur. Ac proinde apparet adiectum fuisse, ad colorem addendum illi figmento, & ad Cellam illam Pictauensem tanto apparentius Treuiros transferendam.

S. VII. Ex alia intrinseca ratione prætensum illud Dagobertinum infirmatur.

O B allatas igitur rationes, neque fidem mereri prætensum illud Dagoberti Diploma, neque de Monasterio S. Maximini agere, adeoque ad questionem hanc prorsus impertinens esse, manifestum est.

Et quamvis omnes illæ abessent solidissimæ rationes, adhuc tamen per prætensum illud à scriptore aduersario productum Diploma nihil contra nos euineceretur.

Quia vt omnes illi defectus tollantur, sit originale & authenticum, sit sibi constans, ratum, fixum, non variatum, sit perfectæ in enunciatione constructionis, de nostra Sancti Maximini Basilica agat, sit alijs suis numeris absolutum, à quibus omnibus quantum illud absit, antedicta docent, sed præsupponamus non abesse; hæc tamen superfuerint refutandi media, nempe:

Quod nuda fuerit confirmatione prætensorum Priuilegiorum Archiepiscopali, quæ ad hoc dumtaxat tendebat, vt res omnes quæ ad Ecclesiam S. Petri pertinebant, eidem saluæ & inconcussæ permanerent, & ab eadem quietè & pacificè possiderentur.

Eaque ad partis, nimirum Archiepiscopi, postulationem impetrata, & communia atque ordinario more & stylo consueto à Rege concessa.

Porro, de eiusmodi confirmationibus generatim hæc à DD. tradi constat:

Eas nunquam denegari, neque ullius Iuri ullatenus derogare, nulliusque esse præiudicij.

Eas hanc clausulam, et si non expressam, tamen subintellectam continere, Salvo Iure tertij, ideoque fieri illas absque ullius citatione, quia per illam Clau-
sum Ius tertij saluum remanet.

Per easdem nullum nouum Ius acquiri, sed antiquum (siquod habet im-
trans) dumtaxat conseruari, ac, quod idem est, noui nihil dari, sed esse præsupponi. Ita Gaylus lib. 2. obseru. 1. num. 14. & n. 3. vide etiam c. cum dilecta de confirmatione utili & inutili.

Quæ omnia sanè in Confirmatorio illo Dagobertino locum habere clarum est. Neque enim per illud declarare intendebat Rex, quænam res ad Ecclesiam S. Petri pertinenter.

Sed approbare dumtaxat (loquimur sub superiori præsupposito) vt ea, quæ ad ipsam pertinebant iam antea, ipsi permanerent.

Atque

Atque ideo quoad illas res, ad Ecclesiam S. Petri pertinentes, nulla est Regis assertio, decisio, dispositio, sed nuda narratio.

Et quamvis confirmatoriè disponat (sub eodem præsupposito) dictum Diploma, vt res ad Ecclesiam S. Petri pertinentes & in his enumerata Cella S. Hilarij, eidem Ecclesiæ permaneant.

Non tamen disponit neque asserit, vti neque de afferendo aut disponendo agebatur, quod eadem Cella S. Hilarij ad præfatam Ecclesiam pertineat, sed solum demonstrationis causa inter cetera ad partis propositionem enunciat, recenset ac narrat.

Verba enim enunciatiua sunt illa, quæ non stant per se, & in eis non sicut voluntas, sed transeunt, & non consistit in illis verbum principale orationis & dispositionis; sed verba dispositiua stant per se & principaliter propter sc. Alexander lib. 7. Conf. 181. n. 3.

Consentit Franc. Aretinus, Conf. 23. num. 8. vers. veruntamen & nu. 9. qui dicit verba enunciatiua emissa propter aliud non probare id, quod enunciant, per text. in Clem. sum. Pontifex in fine, de sent. Excom. Et hoc quidem semper habere locum dicit, sed quam maximè, si eiusmodi enunciatio, confirmatio &c. sit de facto alieno, & obtenta ad partis instantiam, non autem ex motu proprio Principis, allegans Calderinum, Antonium de Butrio & alios.

Sed & illud patet ex hac generali Clausesula, & cæteras Basiliæ, Castella, vicos, vineas, sylvas, homines, quæ omnia in eodem Diplomate vniuersali enunciatio ne subiunguntur, vnde manifestissimum est, non intendisse Regem decidere, quæ res ad Ecclesiam S. Petri pertinerent, alias illæ Basiliæ, Castella &c. exprimi debuissent.

Sed & postea subnecit etiam illa omnia, quæ deinceps eidem Ecclesiæ in futurum donari possent. An dicemus per illud decidisse Regem aut asseruisse de iure donationum futurorum, aut quod illæ res, quæ in futurum donarentur, ad Ecclesiam S. Petri pertinerent?

Quid ergo, si contigisset donari à non Domino?

Inferit & clausulam de Monasterio S. Mariæ scilicet, quod idem præfatus Pontifex Modoaldus in territorio S. Petri nuper à fundamento construxit.

An dicemus Regem in illa prætensa priuilegiorum renouatione decidere cogitasse, quod Modoaldus Monasterium illud à fundamento construxerit, aut quod de illo facto inuestigando admodum sollicitus fuerit?

Partis est narratio, quæ in confirmatione ex stylo inserta, nihil veritati, neque addit, neque tollit.

Nam cum Princeps narrat factum alienum, & super eo non se fundat disponendo, nihil probat; & ideo si eximit Monasterium & omnia membra, licet enunciatiuæ narrantur membra, non tamen probantur membra, sed intelligitur, si probentur membra esse. Ita Tuscus verb. Papa Concl. 62. n. 65. alleg. Roman. conf. 191. num. 4. qui multos DD. citat.

s. VIII. Per Maximinianum Dagobertum, prætensem illud Treuirensē perimitur.

Satis igitur & abundè demonstratum est, Dagobertum Treuirensē in se consideratum, nullam omnino vim habere & efficaciam contra Ius nostrum, quod adhuc multò magis apparebit, si cum nostro Dagobertino

con-